



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

2022

UMHLAHLANDLELA WOKUTSHWAYA

IMITLOMELO: 80

Umhlahlandlela wokutshwaya lo unamakhasi ali-9.

ISIGABA A: UKUFUNDA NOKUZWISISA

UMBUZO 1

Ukutshwaya ukufunda nokuzwisisa

- Ngebanga lokobana umnqopho omkhulu ukuzwisisa, amagama angakapeledwa kuhle neemphoso zelimi eempendulweni azingajeziswa ngaphandle kobana mhlamunye iimphoswezo ezenziweko zitjhugulula nofana zilahlekisa umqondo/ukuzwisiseka kwependulo. (iimphoswezo kufanele zitjengiswe/zivezwe).
- Nangabe umfundi usebenzise amagama abuya kamanye amalimi angasi ngewelimi ahlolwa ngalo, ungawatjheji/eqisele amehlo amagama lawo, nangabe amagama lawo anemba ipendulo, ungajezisi, kodwana nangabe etheksthini kusetjenziswe igama eliwela kwelinye ilimi begodu lifanele libe yipendulo, lamukelekile.
- Imibuzo evulekileko efuna iimpendulo u-iye nofana awa, ngiyavuma nofana ngiyaphika, liqiniso nofana akusilo iqiniso, kulungile nofana akukalungi, mbono omuhle nofana akusimbono omuhle, sisenzo esihle nofana sisenzo esimbi azinikelwa umtlomelo kodwana kutlonyeliswa ukusekela kwaphela. (IMITLOMELO YOKE NGEYOKUSEKELA).
- Nangabe kulindeleke ipendulo yegama ELILODWA kodwana umfundi anikele umutjho, mtlomelise nangabe igama eliyipendulo enembako ulithalele/uligwale ngepeni enombala ohlukileko. (Highlighted)
- Nangabe kufuneka amaphuzu amabili/amathathu kodwana umfundi unikele amanengi, **kwaphela** tshwaya wokuthoma amabili/amathathu.
- Yamukela ukuhlukana kwelimi lesiphande. (IsiNzunza nesiNala).
- Emibuzweni la kukhethwa ipendulo enembako, yamukela KOKUBILI, iledere elikhambisana nependulo engiyo NANYANA ipendulo nayitlolwe ngokuzeleko.

- | | | | |
|-----|-------|-------------------------------------------------------------------------------------------------------------------------------------------------------------|-------------------|
| 1.1 | 1.1.1 | Ngomnyaka wee-2020. | (1) |
| | 1.1.2 | - Ukudla kubiza khulu.
- Kukhuphuka iimbaseli.
- Kuthinta imisebenzi yabantu.
(Zimbili iimpendulo kezingehla.) | (1)
(1)
(1) |
| | 1.1.3 | - Amabubulo enza ihlelo lokobana abasebenzi basebenze ngokudlhegana.
- Amabubulo aphungula imirholo ukwenzela bona abasebenzi babe nelitho abalitholako. | (1)
(1) |
| | 1.1.4 | Yihlangano ye <i>Statistics South Africa</i> . | (1) |
| | 1.1.5 | Ikhamphani yakwa-SAA nekhamphani yakwa-SABC zadiliza abasebenzi naziqalene nomraro kezomnotho. | (1) |

- 1.1.6 USindiswa Mbonani kwafanela bona ahlukane nabasebenzi bakhe abasithandathu ngebanga lokobana irhwebo lakhe belingasaragi kuhle. (1)
- 1.1.7 - Abavakatjhi bayindlala enarheni yeSewula Afrika ngebanga lokobana abasanayo imali yokuvakatjha. (1)
- Abavakatjhi bayindlala enarheni yeSewula Afrika ngebanga lokobana abasafuni ukuphithizela hlangana nabantu abanengi. (1)
- 1.1.8 Abantu abayithengi igezi bayayeba./linsebenzi zakwa-Eskom zeba igezi ziyithengisele abantu ngemadlana encani./Kunabantu emphakathini abathengisa igezi ngemali encani. (Yinye ipendulo kezingehla.) (1)
- 1.1.9 LIQINISO ngombana kuba nokulwa okunengi hlangana kobaba nomma./kuba nokuhlukunyezwa kwabomma nabentwana ngebanga lokobana kutlhogeka imali. (2)
- 1.1.10 - limvakatjhi ezivela kezinye iinarha zidoswa malwandle weSewula Afrika.
- limvakatjhi ezivela kezinye iinarha zidoswa ziindawo zomlando khulukhu ezithinta uMengameli wangaphambilini uNelson Mandela.
- limvakatjhi ezivela kezinye iinarha zidoswa ziindawo lapha kubulungwe khona izinto zobukghwari, amasiko kanye nezomlando. (Ipendulo ezwakalako izakwamukelwa.) (2)
- 1.1.11 D/Kusuke kwaqubuka ubulwele be-Covid 19. (1)
- 1.1.12 - Izinga lobulelesi liyakhuphuka.
- Abantu bangena khulu eendakamizweni.
- Kuba nokutlhorisana kwemindeni. (Ipendulo ezwakalako izakwamukelwa.) (2)
- 1.1.13 - Abatjaliimali bagcina bakhambile ngombana abasabi nenzuzo umnotho nawehlileko
- Abatjaliimali bagcina bakhambile ngombana kusuke kube nemitjhagalo eminengi lokho kwenze bona umsebenzi ujame. (Ipendulo enembako izakwamukelwa.) (2)
- 1.1.14 Kusiqunto esihle bona abasebenzi bakaRhulumende batjhagale nangabe abakhutjhulelwa imirholo ngombana izinto ziyabiza kufanele bondle imindenabo.
Kusiqunto esimbi ngombana ingenisomali enarheni lisezingeni eliphasi. (Ipendulo enembako izakwamukelwa.) (2)
- 1.1.15 Abafundi abaseenkolweni ababi nomdlandla wokufunda khulu ngombana kuba ngathi bafundela ilize./Abafundi abaseenkolweni bagcina basilisile isikolo. (Ipendulo enembako izakwamukelwa.) (2)

- 1.2 1.2.1 - Kunabantu abakhwele ngeteksini. (1)
- Kunomuntu ojame emnyango weteksi obonakala akhulumisa abangaphakathi.
- Kunabantu abajame umjeje abalinde ukukhwela.
- Kunabantu ababili abajame hlanu kwetroli ababonakala bafuna ukuthenga okungetrolini.
(Nezinye iimpendulo zizakwamukelwa.) (1)
- 1.2.2 - Baya kezinye iindawo/amadorobha.
- Baya emakhaya.
- Baya emsebenzini.
(Yinye ipendulo kezingehla.) (1)
- 1.2.3 - Ngicabanga bona ubhadelisa abakhweli.
- Uthengisa ama-orentji/amahabhula angetrolini la.
(Yinye ipendulo kezingehla.) (1)
- 1.2.4 Abosomateksi bakateleleka bona balayitjhe inani labantu elingaphasi kwalelo elijwayelekileko lokho kwenza bona bangasabi nenzuzo./Abosomateksi bakateleleka bona bathenge iinhlanzekisi ezizokusetjenziswa bakhweli, lokho kwadla esikhwameni sabo./Abanye abosomateksi babhalelwa kuwabhabela amateksi wabo amabhanga agcina awathethe. (2)
(Ipendulo enembako izakwamukelwa.) [30]

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Ukutshwaywa kwesirhunyezo kusekufakeni amaphuzu anembako nokutjhiywa kwamaphuzu anganembiko angafunwa mbuzo.

Ukurhunyeza okumayelana namabhizinisi ongawenza kezokulima.

Tjheja: Imidzubhulo esekholomini yokuthoma yenzelwe ukukhumbuzwa abatshwayako ngemitjho edzujulwe bunqopha etheksthini.

	IMIDZUBHULO		AMAPHUZU AQAKATHEKILEKO
A.	<i>'Thoma ibhizinisi lokutjala imirrorho enjengamazambana, ikhabitjhi nokhunye.'</i>	1.	Sungula ibhizinisi lokutjala imirrorho.
B.	<i>'Ukutjala iinthelo ezinjengama -apula, amabhanana, nezinye ezinengi nakho ngomunye umhlobo webhizinisi.'</i>	2.	Ukutjalwa kweenthelo ezahlukeneko mhlobo omunye webhizinisi.
C.	<i>'Ungafuya iinkomo zebisi ukghone ukusenga ukhiqize ibisi ulithengisele iintolo ezikulu.'</i>	3.	Fuya iinkomo ezisengwako ukwazi ukuthengisele iintolo ezikulu ibisi.
D.	<i>'Ungathoma ibhizinisi lokuthengisa iinkukhu eziphilako nofana ezihlatjiweko.'</i>	4.	Thengisa iinkukhu nofana uthengise inyamazo.
E.	<i>'Nawunendawana eyaneleko ungafuya iinkomo, izimvu, neemfarigi, imali izokuthi yetjhe kuwe.'</i>	5.	Fuya iinkomo, izimvu neemfarigi uzithengise nofana uthengise inyamazo.
F.	<i>'Ungakghona ukutjala bewuthengise imithi ehlukeneno uyithengisele abantu abayifunako.'</i>	6.	Tjala bewuthengise imithi ehlukeneko.
G.	<i>'Amathuthumbo nawo ayatjalwa athengiselwe iintolo nofana abantu.'</i>	7.	Tjala amathuthumbo uwathengisele iintolo nofana abantu.

Inani lamagama (41)

IGRIDI YOKUTSHWAYA UKURHUNYEZA**Isirhunyezo kumele sitshwaywe ngalendlela:**

- **Ukwabiwa kwemitlomelo:**
 - 7 imitlomelo emaphuzwini ali-7 (Umtlomelo owo-1 kilelo nalelo phuzu elilungileko.)
 - 3 imitlomelo yelimi
 - Inani loke: 10
- **Ukwabiwa kwemitlomelo yelimi lokha ohlolwako nakasebenzise amagamakhe.**
 - 1-3 yamaphuzu alungileko: nikela umtlomelo owo-1 welimi.
 - 4-5 yamaphuzu alungileko: nikela imitlomelo emi-2 yelimi.
 - 6-7 yamaphuzu alungileko: nikela imitlomelo emi-3 yelimi.

- **Ukwabiwa kwemitlomelo yelimi lokha umfundi nakadzubhule imitjho njengoba injalo etheksthini:**

- 6 - 7 yemidzubhulo: **unganikeli** umtlomelo welimi.
- 4 - 5 yemidzubhulo: nikela umtlomelo owo-1 welimi.
- 2 - 3 yemidzubhulo: nikela imitlomelo emi -2 yelimi.

TJHEJA:

- **Ukubala amagama:**

- Abatshwayi kumele baqinisekise inani lamagama asetjenzisweko.
- Ungaphunguli imitlomelo nangabe ohlolwako azange atjengise inani lamagama alisebenzisileko namkha nangabe inani atlole bona ulisebenzisile akusingilo.
- Nangabe ubude obulindelweko budlulile, funda bewufike emutjhweni wokugcina wenani elibekwe ngehla bese ungasakutjheja okhunye okusirhunyezo.

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3****Ukutshwaya ISIGABA C****• Ukupeleda:**

- Iimpendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso eyenziweko itjhugulula okutjhiwo ligamelo/yihlathululo yegamelo.
- Eempendulweni ezimumutjho opheleleko, ukungapeledi kuhle akujeziswe nangabe iimphoso zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko.
- Ukwakheka kwemitjho kumele kukhambelane nehlelo begodu kunikelwe ngemitjho ezeleko njengokutjho komleyo.
- Emibuzweni la kukhethwa ipendulo enembako, yamukela KOKUBILI, iledere elikhambisana nependulo engiyo NANYANA ipendulo nayitlolwe ngokuzeleko.

- 3.1 Kubhagwa amakuke namakhekhe. (1)
- 3.2 Babantu abaneminyanya.
Babantu abanezifo.
Babantu abanamaphathi.
(Zimbili iimpendulo kezingehla.) (2)
- 3.3 Igameli litlolwe butjhigama ngombana ligama ekungasilo lesiNdebele elitlolwe hlangana namagama wesiNdebele. (1)
- 3.4 - Abantu bangaqothwa mubandela othi nawuletha iintlabagelo uzibuyelela kabili ngombana lokho kutjho bona uzokusebenzisa imali enengi ngokweqileko.

- Abantu bangaqothwa kukobana kubhagelwa abaletha imigodla emibili ukuya phezulu. Umuntu ofuna ukuzibhagela amakuke anganawo umnyanya angeze akghona ukubhagelwa kwaMabizwasabele *Confectionery*.
(Yinye ipendulo kezingehla.) (2)
- 3.5 A/Senzo nesenzo. (2)
- 3.6 - Esikhangiswenesi inani alikavezwa.
- Indawo la kutholakala khona iMabizwasabele *Confectionary* ayikavezwa.
- Iindlela zokuthintana azikavezwa.
(Yinye ipendulo kezingehla.) (2)

[10]

UMBUZO 4

- 4.1 Dorh. Masilela utjho bona ayikho into ongayenza ukusindisa ipilwami le. (1)
- 4.2 Imaski. (1)
- 4.3 - Ncancabe baba, imiphumela itjengisa bona utshwayeleke nge *Corona*.
- Umuda lo uveza umqondo wokududuza. (2)
- 4.4 Inobuhlangothi. (1)
- 4.5 Umuntu osenomborweni yoku-1 ekhathunini engehla le ngudorhoda:
- Ubonakala alengise isisetjenziswa sokuhlola entanyeni.
- Ubonakala ambethe ijasi emhlophe embathwa bodorhoda.
- Ubonakala apethe ifayili esetjenziswa bodorhoda ukutlola imininingwana yomuntu ogulako.
(Zimbili iimpendulo kezingehla.) (1)
- 4.6 C/Lokwenzisa. (1)
- 4.7 Ukusonga izandla kwakababa wesi-2 kusitjela ukobana udanile nofana urarwe ziindaba azitjelwa ngudorhoda lo. (2)
- [10]**

UMBUZO 5

- 5.1 5.1.1 Ubaba lo unabentwana abalitjumi/abalisumi nantathu. (1)
- 5.1.2 UMfungelwa yena liNghana ngokwentanga. (1)
- 5.1.3 Aba- sithomo. (1)
-ntu- sisiqu. (1)
- 5.1.4 UNoMfungelwa mfazi wokugcina./wamaswaphelo. (1)
- 5.1.5 Umndeni lo udla izambana leponde. (1)
- 5.1.6 A/Banomnyanya. (2)
- 5.1.7 Abafazaba nabo bamamathe nelimi/bayirarha nomncamo. (2)
- 5.1.8 Umma watjala intanga yethanga kwaphuma amathanga amanengikazi.
(Neminye imitjho enegama 'intanga' engafani nale ekubuzwe ngayo.) (2)
- 5.1.9 - Isakhi uSo- simumethe umqondo wokobana yindoda ethetheko ebizwa ngomntwana olizibulo layo./ungubaba likaMfungelwa. (1)
- Isakhi uNo- simumethe umqondo wokobana mfazi othethweko obizwa ngomntwana olizibulo lakhe./ngunina likaMfungelwa. (1)

- 5.2 5.2.1 Bona bathanda khona. (2)
- 5.2.2 Kumnandi ukuhlala nabomzala nidle okwehla esiphundu. (1)
- 5.2.3 Umzimba ugcina uphilile njengotjheleni./ufana notjheleni. (1)
- 5.2.4 Mqondo wobuncani./wokunyaza./wokudelela. (1)
- 5.2.5 Gade siye emnyanyeni kwaMasilela sadla ukudla okwehla esiphundu.
(Nezinye iimpendulo ezinesitjho 'kwehla esiphundu'
zizakwamukelwa.) (1)
- IMITLOMELO YESIGABA C: 40**
INANI LOKE: 80